

## 2 TIMOTI

Mi iya Pol siya maeyauwa mi biye mriiya saiir hɪrar niki hiugripkiikikaiyin om komii Rom hir, mi siya ta yokwowa pasta Timoti siiramɪn ha winkikin. Mi iya Pol siya hiriinan kigninoknɪnkinɪn siir naoni iya ini kingiin nwowa, mi siya Timoti siirsi naingwoyimiyoƙin mi siya ta yokwowa mhoiyana asi swoki winkikin Timoti siir boinkiyam hiniin siyu iikamɪn naingwo tɪbmiiyɪm om Efesas hiranɪm simiir kigriraowiyɪn. Iriig.

<sup>1</sup> Kara Polkin kara Krai Jisi siir yai naboɪnmamauuan inkamkin. Adi Komii kɪmiir Wanɪn siya nikropkikin kariirɪn siir yai aiir napboɪnmamauuam iikam whiekakɪm hinda tindanɪm simiir. Ti kwoɪnbudɪn omwai waiyayokiyokiiyin siya nɪmbin tɪbmii kimaigiyɪn iikam yipiki Krai Jisi siiram naingwo tɪbmii mi wi simiir hauugi.

<sup>2</sup> Timoti kira ini kariir yinisɪmnan ywowɪn. Mi kara ta yokwowa kɪriiram winkika. Adi Komii siya mi Krai Jisi kɪmiir Biyan Inkam Komii ieya, sowa nwoki hauugiyɪm naingwobumbu mi naingwoyimyok mi kwoɪnɪn nongwomamaɪr aei ikin. Iriig.

**K**riima yai wɪn kibiya saiirsi kipi kaiyirou

<sup>3</sup> Kariir yidiwi wanwiyaeyɪm sima Adi Komii siir siyu iirar napkim mi an kara wi siirar mi api. Siya kara kɪriiram naingwowɪn mi kara Adi Komii siiram boɪn wadieki kɪriiramɪn. Mi kara nii nabie kɪriiram sriigin. <sup>4</sup> Mi iya kara kɪriir haiburgigin mi kara ina swoki aingwowoknakiyin, iya kɪriir ouwoba saeya griekiinainiya. Mi kara kɪriir kignakiyam naingwowi mi kariir maɪrgimaɪrga wi prasae nwo rani. <sup>5</sup> Kara ina

ninokninkinin, wa kiriir naingwo tibmiiya kaimwowainga, niksisaе rani. Ta hiriinan naingwo tibmiiya biiya kiriir apaiya Lois saeya hiriinana saiir nwoki haiga mi kiriir apua Yunisa iriipi hiriinan. Mi an kara ina ninokninkinin ta hiriinan naingwo tibmiiya, kiriir waraurin ina mi owa. <sup>6</sup> Mi kara kiriir kwoin iir asi swoki hiurworwokaigi. Ta miiya kira ninokninkina Adi Komii siya priihauugiya kiriir, siya kara siiram sriiya mi kariir ina ha nonkwowa kiriir piu aiir mi kira ta miiya siya priihauugiya kira ninokninkina, kira saiirin sibgu donkworinukripkai mi saeya wi paenan hiriyar diudkripkai, wi niutinginan kipi nwo. <sup>7</sup> Whisarii rani, Adi Komii siir naeyuin krimiirin nidid kwoin bi hauugin. Niingaka. Siya krimiirin kirie hauu haiginiugin. Mi siyuiin iikamim naingwokwo nanaeyin siirin wara mi inkın hauugi. Mi siyiu biyeyin inkam niyopakaiyiu karam nwowiyin siirin warar mi inkın hauugi krimiirin.

<sup>8</sup> Mi kira niimwo wi kipi kaiyirou Biiyan Inkam Komii siir yai aiir boimimauusiyin, an kara omaka hiuyokiyokaiya saiir hir nwokaii inkamkin mi kira niimwo kariirsi kipi kaiyirou. Mi kira Adi Komii siir kirie saiir hiriir dikpitkiikripkai. Mi kiriirin wi siya nwoki whinwo haiginiuwi hik kanaka haiyam, siir yai win kibiya saiir boimimauuam. <sup>9</sup> Krimiirin Adi Komii siya nanmaiwarkainakin mi siir iikam asi nwokim. Mi siya krimiirin mii miiya krima miriyya saiirsi bi nanmaiwarkainakin. Niingaka. Siir naingwobumbuwa saeyar nanmaiwarkainakin krimiirin. Bidi bidiniyarın, iya Adi Komii siya nu ninomor sowira nonkwokwowin mi siya Jisis Kraisiiram nua krimiiram tiri nikrop iuungiyamin saiirar nimbın tibmii kimaigin. <sup>10</sup> Adi Komii siir naingwobumbuwa krimiir hauugiya mi tariinanin inkamin krimiir nanmaiwarkaina haiyin Jisis Kraisiya

idowiiya bidi yimbiniyin. Mi krīma Adi Komii siir naingwobumbuwa sair asi ninokninkini. Mi krīma tariinanin kwoinbudin omwai waiyayokiyokiiyin, siir siiyu miyik iir asi ninokninkinkini. Ta yai win kibiya krīmirin saeyar nowomwarkaiyu haiginiugin.

<sup>11</sup> Kariirin Adi Komii siya nimbangikin aposel inkam nwowam, ta yai win kibiya sair napboinmamaauam. Mi kara yai napboinmamaauan mi nowomwarkaiyuan inkam asi nwokin. <sup>12</sup> Mi kara hiriinan miya hik sairsi asi haigin. Mi kara niimwo sairsi bi kaiyirugin. Niingaka. Mi kara ina ninokninkinin mi ina naingwo tibmiiyin siramin. Ta miya siya hauugiya, siya sairin wa kigriraowi mi saeya wi biye nwo rani, wi hiriyar nanyokiyokii. Mi wi ta ii komiia siya swoki itana, wi sairar nadigiuwi. <sup>13</sup> Ta yaiya kara nowomwarkai haiginiuwa kiriir kira sairin sibgu wakaeyokna mi wi sibgu donkworinukripkai. Ya tariigina ya hindara niisiimauu haiginiugika kiriirin. Mi kira Jisis Kraisiirimar daingwo tibmiikikin. Mi kira wi iikam whiekakim simiiramar daingwo irkak. Dimusi rani, kira ini Jisis siir isid ywowin. <sup>14</sup> Mi ta Adi Komii siir yai win kibiya Adi Komii siir naeyuin siya hauugiya krīmir mi kira sairin sibgu donkworinu.

<sup>15</sup> Kira bidi yinokninkinin, nu komii Esia hiran iikam whiekakim sima kariir bidi haiburgim mi ti inkam nwiso, Fiselas mi Hemosenis yo iriipi hiriinan kariir bidi mi haiburgigo. <sup>16</sup> Kara ha naingwowi Biyan Inkam Komiiyin siya Onesiforas simiirniyin igi haigi idwokaigi. Mi ii kasa rani, siya kariir nikpimpitmai haiginiuwun. Mi siya niimwo kariirsi bi kaiyirugin. Kara ti tir nwokaiyin, ta omaka hiuyokiyokaiya sair. Niingaka. <sup>17</sup> Iya siya om komii Roma tiriir nitin mi siya minan napmiriyokiyokiiinikin kariiramin mi ini kariirar ini kigniyn. <sup>18</sup> Kira bidiya iki inokninkinin digworaekwo

whiekakim iikamim naingwo tɔbmiiyim simiir hauuwim iya kara om Efesas hir nwowa saiir mi kara ha naingwowi, Biiyan Inkam Komii siya siirsi daingwoyimiyok, ta ii komiia siya tiriir swoki itana. Iriig.

## 2

Kira Krai Jisi siir sau nimbignan inkam kibi dwo

<sup>1</sup> Hae Timoti! Ti kariir yinisimin krɔma ini Krai Jisi siir isid ywowin. Mi kira ta siir naingwobumbuwa saiirin sibgu donkworinukripkai. Dimusi rani, kira ini siir isidin siir ywowin mi kira wi kirieyar dwo. <sup>2</sup> Mi kira bidiya wakaekiyin yai whiekakim kara nowomwarkaiyuim, iikam whiekak nhirim naingwo tɔbmiiyim simiir. Mi ti hiriinan siyuin kira wi siir tir, kamim wi kiriir nwoki kig ninokninkinim. Mi sima wi Krai Jisi siir mi aiir sibgu mirii. Mi yim sima iriipi hiriinan wi iikam nhirim simiir mi owomwarkaiyuami. <sup>3</sup> Kira Krai Jisi siir sau nimbignan inkam miyik dwo. Mi iya kira hik haiiyim kira Krai siir isidin krɔma haiya saiir hiriinanar timi hai. Mi kira wi haimni hiniin kipi krii. <sup>4</sup> Mi inkamin sau ninitan inkam nwowi mi siya oman miipai miipaiyim simiirin wara kipi nonkwo. Niingaka. Mi siya inkamin siir bii nwowiyin, siir yai aiirarar wakaeyokna iski. Mi siir biiyan inkamin wi ogmwomir karam nwoki. <sup>5</sup> Mi inkamin ig ninkikin iwiti bii niwit okwowam mi siya ta gwowa saiir siyu iirara sibgu ap. Mi siya hiriinan tir karam nwowi siirin wi kauriirgi. <sup>6</sup> Mi inkam numir numira niyok ninkin nanaeyin sasae wai kwowi mi bii wi siyar ninguguae. <sup>7</sup> Mi ti boiniyo yai kwoimim kara boinkiyim kiriir, kira sibgu donkworinukripkai, kira wi kipi naingwo owou. Mi krimiir Biiyan Inkam Komiiyin kiriirin wi siyar nwoki hiurworwokai haiginiuwim, ti boiniyo yai kwoimim simiirin.

<sup>8</sup> Mi kiriir kwoinin Jisis Krai siya naonama mi siya swoki isiin idwowa ie hirankin saiirimar daingwokwokripkai. Mi siya krimiir brougaeyin Devid, siir isidin siir hirankin nitkin mi ta yaiya kara boinmimauugiya mi saeyairga yai win kibiya. <sup>9</sup> Mi ta yaiya kara boinmimauua mi sima kariirin saiirsi nonkwobumbuninkin haiginiugin, inkam biyenan nwowam. Mi kara omaka hiuyokiyokaiya saiir asi nwokaigin. Mi kamim ta yai win kibiya io saiir kwowiyim mi kariirin sima hiriinansi hugripkiikikaigin. Mi kara ta omaka hiuyokiyokaiya saiir asi nwokaigin. Mi sima wi kariirara hugripkiikikaii mi Adi Komii siir yaiya, saiirin wi wara nikidiu rani. Niingaka. <sup>10</sup> Mi iya sima kariir nonkwobumbuninkin haiginiuwi mi kara saiirsiyin wi nidid rani. Niingaka. Kara wi hirii hiriyar miriyokiyokiyami. Dimusi rani, tiriiginin wi iikamim Adi Komii siya nibingiyim siir iikam nwowam wi simiir nwoki whindiriraerar haiginiuim. Mi yim sima iriipi hiriinan wi Jisis Krai siirin nwoki aingwo tibmiiyim. Mi wi ti kwoinbudin omwai waiyayokiyokiiyin wi siir nwoki haiyim mi sima wi saika nwowi om kibiyin nii nwo karam nwowiyin siir hirin. <sup>11</sup> Ta yaiya iikam whiekakim krimiir boina,

yai kaimwowaigra, iya krma ta Krai Jisis siir mii aiirsi haii hik mi ha naonami ya dimin karamaeka, mhoiia krma wi kwoinbudin omwai waiyayokiyokiiyin wi siir swoki hai, siir hiriinan mi krma wi saika nini owouwi. <sup>12</sup> Mi iya krma hirii hiriyar tiriokiyokiyami mi mhoiia krma wi saikar ninkin owi, digworaekwo whiekakim simiir kigirkakam. Mi iya krma siirin digiumii haimriiyugigi mi yo siya krimiirin wi hiriinan digiumiyyar mi haimriiyugigi. <sup>13</sup> Siya

krima Adi Komii siir nimbini mhiümüwiyim mi siya krimiirin bi nimbini mhiümüwikin. Niingaka. Siya nimbiniyim, pi kaimwokinar nwoyokiyokiyami mi siya siyar bi swoki iksisaeikin. Niingaka. Iriig.

*Inkam*in Adi Komii siir mi aiir mirii nonkworinukripkai mi siya wi ogmwomir karam nwowi siirin

<sup>14</sup> Mi kira ti yaiyim simiirin hirii hiriya boin naingwokripkai iikam simiirin. Mi Adi Komii siir whwonkam ida kira simiir dokwao boinki, sima dimin sim whirin siir siirar kipi ninkinwamwarkii boin tiki hiriinan siyiun siya iikam imiirin wi miyik nwowaiginiu rani. Iikamim ta yaiya saiir wakaeyim, simiirin wi saeya kiyopsibgi haiginiuwi. <sup>15</sup> Mi kira Adi Komii siir mi aiir sibgu mirii mi siya kiriirin wi ogmwomir karam nwoki. Mi wi niimwo kaiyirou rani. Niingaka. Kira Adi Komii siir yaimwokiyaimewowim simiir nowomwarkaiyiwan inkam dwo. <sup>16</sup> Mi kira kamim yai bibiyie boiniyim simaka kingiin kipi nwo mi kira kamim dimin simin siir siira mi inkinwamwarkii boiniyim simaka kingiin kipi mi o. Ti hiriinan siyiun siya inkam kiyopsibgikikaigiyin dimin biyie tiram mi ta simiir dimin biyeya wi komiia nasae owouguski. <sup>17</sup> Mi ta hiriinan yaiya ya ini paowai biyenan ywowa, wi komiia nasae iyopbwaekin taraoki. Mi ti inkam nwisoi Haimenias Failitas sowiir yaiya ya ini hiriinan ywowa. <sup>18</sup> Mi sowa ti inkam nwisoi siyiumwoni sibgu apiyin siyiun siir haiburgigo mi sowa yaimwoni bi sibgu owomwarkaiyigo simiirin. Mi sowa hiniina boin iikamim naingwo tibmiyim simiir biyan siyi biyeyim bidi yaonamim mi simiir piugina ini Adi Komii saikar nwowim. Mi mhoiya sima swoki aonami simiir piuis biyeya ienau kikaigi mi sima wi swoki insiin idwo

rani. Nningaka. Mi ta hiriinan yaiya, iikam nhirim simiir naingwo tibmiiya saeya kiyopsibgi haiginiwi. <sup>19</sup> Minsika, Adi Komii siir isidin wi siir siyiumwovin wi siir haiburgig rani. Nningaka. Adi Komii siir isidin ini yinpaenan ywowim, siyar ninansiin okwokripkaigiyim mi sima wi hiriyar nokwoyokiyokiii. Mi dimin whirkin simiir kinankiuwi mi sima wi ganmi wanmi kin tani. Nningaka. Adi Komii siir isidin ta yaiya saiir hiriinanka. Mi yai nhirim Adi Komii siir Yokwo Komii aiir winkyim, hiniina win boinkikim Adi Komii siya siir piugan aiirin bidi yinokninkinin. Mi yai gwira siya winkiya ya hiniina boinkika iikam nhirim sima ha naingwowi nim krima bidi yaingwo tibmii kiinim Adi Komii siirim mi sima siyiuin dimin biyie tiriyin, siirin wi ti haiburgig.

<sup>20</sup> Ta yaiya hindara boiniyioka mi ta omaka komi-ya saiir yainaua, mobmirpai mobmirpaiyim ini hir nwokaiyim. Nhirim golni nonkwokwokim mi nhirim nuni mi nonkwokwokim mi nhirim kiriekim mi nhirim kirie rani, hiniin hiniina nonkwokwo haigigim. Mi ti gol silvani nonkwokwowyim, yim bimbuiwi rani. Mi simiirin wou nikwo aeni iya saiirara haigin aeikim. Mi ta pae nu mini nonkwokwowyim yim dimin karamaeka, yi hiriyar prii haigin aeikim ii nninga nningam simiirin. <sup>21</sup> Mi inkamin siir dimin biyeyim simiirin digiumii haimriiyugigi mi ti inkamin siya wi mobmir miyikim wi simiir hiriinan nwowi. Mi Adi Komii siya siirin wi mii miyik miyikim simiirara hauu haiginiwi siirima nwoki miriirim. <sup>22</sup> Mi kira iinokiinokin yainan whrankim tiri siyiuin siirsi didamriiid. Mi kira iikamim siyiu miyik sibgu apiyim mi nimbin kisina karam nwowiyim mi iikam whiekakim naingwoirkakiyim mi kwoin hi-insima nwowiyim simaka ditinakiukripkai. <sup>23</sup> Mi yai priiboin priiboin ninkinwamwarkii boiniyin siyiuin, kira

wi hiriinansi didamriiriid yim ti hiniin yayim simaigim yayiam nhinaigin okwowyim. <sup>24</sup> Mi inkamin Biyan Inkam Komii siir mii aiir mirii mi siya wi io whwonkam kipi nanao iikam nhirim simiirin. Niingaka. Siya wi igi haigi idwokaigi simiirin mi mii sibgu nowomwarkaiyuuan inkam nwowi mi siya wi inkam miuunan dwo. <sup>25</sup> Mi hiriinanki niuwi iikam nhirim siyu mwoni nap karam nwowim mi kira simiir nikaiginiuwi mi kira simiirin wi igao yai kipi boin. Niingaka. Mi kira simiirin hiriinan tiri mi sima wi kiriir yai aiir wakaeyoknaei. Mi simiir mhii kwoinim wi nwoki imkpit haigiyim. Mi sima ta yaimwo aiirin wa ninokninkini. <sup>26</sup> Mi hiriinanki niuwi mi sima wa sibgu ninomokninkinki. Mi ta hira, Setan siya hiugripkiikikaiya simiir wi simar nikwoyarkinanini. Iriig.

### 3

*Iiya digi* mi siyu bibiyie whiekakim wa nimbiyami

<sup>1</sup> Timoti kira ta yaiya saiir daingworinu kripkai, iya ti nu ie digiyana mi wi hik prasae prasae swoki imbiyam tani, iikam whiekak imiirin. <sup>2</sup> Mi sima wi simamar naingwona mi simiir kwoinin wi umir siyar nonkwo kripkai mi sima wi simiir inig imiirar swoki hainani mi sima wi bigiriyir prasae kintani mi sima wi yopii adim simiir yai imiir wakaeyokna rani. Niingaka. Mi simiir kwoinin wi maigimaiga nwo rani mi sima wi Adi Komii siirim naingwo rani. Niingaki, niingaka. <sup>3</sup> Mi sima iikam nhirim wi whwoka whwoka sima nwo rani. Niingaka. Mi sima simiirsiyin wi naingwoyimyok rani mi sima wi simiir mi igbumbuwi mi sima wi kripii nanii saiir mi kigi. Mi sima iikamim simaka wi niinii nansao prasae kintani mi sima wi siyu miyyik tir tani. <sup>4</sup> Mi simiir nomiiyauim simiirin wi wir sima napwouwi, omomin sau niniti iirin. Mi simiir kwoinim wi hindara niwit paomaiki mi sima



wi simamar naingwonaei. Mi wi om tir napmamairama naingwowi, wi miyam naingwo rani. Niingaka. Mi Adi Komii siirin wi digiumii haimriiyugigi. <sup>5</sup> Mi sima Adi Komii siiramin nhinmi puargar kini, kwoinin nhinmi wara kintani. Niingaka. Mi sima Adi Komii siir kirieya saiirin pi yaewan mi kindiyuwangigi. Mi ti hiriinan kamim, kira wi simaka kipi nitapiyoksrn. Niingaka. <sup>6</sup> Mi ti kamim ini wigim hinda sima sima sibwomaeyamiyim pi simiir omaka imiir sibii sibiiyami. Mi yim ti hiniin wigim simiir kwoinin ini dimin biyeyim biya sima niki tirim ini simiirsiyar niki haigiyiskaiyim. Mi simiir kwoinin ini digworaekwo biyeyim simiiramar naingwo kripkaiyim. Mi iya sima ti wigim simiir omaka namiyim mi simiirin yayim pi simiir kwoinargar nini kinap itkaigai boiniuwi, sima nwoki wakaeyoknam. <sup>7</sup> Mi ti hiriinan wigim sima iki kampai kampaiyim simiir yayim, simiir wakae ninokninkinamar naingwowi. Mi sima ta Adi Komii siir yaimwowa saiir ninokninkinim wi dig nwo rani. Niingaka. <sup>8</sup> Mi ti kam hiniinim ini ti inkam nviso Janis Jambris so hiniin ywowo. Bidi bidiniyarin sowa Moses saika ninkinwaomwarkaiigo mi ti kamim Adi Komii siir yaimwowa saiirin wi hiriinan tiri, saiir haigin ikwowaisiiyamin. Mi ti hiriinan kamim, simiir kwoinin miyiki miyiknan nwokai rani. Niingaka. Ini hinda sipimyokaeyamim. Mi sima bi naingwo tibmiikim. Niingaka. <sup>9</sup> Mi ta simiir miya wi hiriyar namyokiyokii rani. Niingaka. Sima wi ti hiriinan priiwhaowae siyuin siir kigi biya ti inkam nviso Janis Jambris sowa tirin, wi siir hiriinan tiri. triig.

**Kira** ta Adi Komii siir yayia saiirin sibgu donkwo kripkai

<sup>10</sup> Mi tiriiginin yio kiriir siyu siir hiriinan tani. Niingaka. Ni kira siyuun kara nowimwarkaiyuwin siir napkin mi siyu kara mi ap ikin. Mi diminin kira mi kigna diriraerariyim kariir kwoin iirar mi kira mi ninokninkin aka kariir naingwo tibmiiya mi siyuun inkam miuunan kara mi o ikin mi siyuun kara mi naingwokwonanae ikin iikam whiekakam. Mi kariir siyuun ganmi wanmi kara nwowiyin kira bidi mi ninokninkin. Mi ti hiriinan siyupai siyupaiyim kara bidi mi ninokninkin. <sup>11</sup> Sima kariirin siyumwoni bi tir winkim mi kara hik kimpipisu prasae bi mi haigin, ti om whoim imiirin, om Antiok mi om Aikoniam mi om Listra hirin. Mi hiriinan siyuun sima tirwinin kariir, ha kipi naingwo siya whwoimoniki mi iuwi. Niingaka. Kirie waiwiigin kariirin Biian Inkam Komiiyin siya hiri whinkinsiis naowid. <sup>12</sup> Mi iikamim iga hinda tinda nokwo karam nwowi mi sima siyu miyikin naingwo tibmiiyin siir sibgu api mi yim sima ta hiriinan hik kimpipisuwa wi wara ninkin hai. <sup>13</sup> Mi iikam biyie biyeyim mi kamim mwrakboini ikim simiir siyuun wi hiriyar tiryokiyokii mi wi komiia nasae owouguski. Mi simiirin wi Setan siya mwrakboini mi yim sima iriipi hiriinan, wi iikam nhirim simiir mi mrakboini. <sup>14</sup> Minsika! Ta yaiya kirar wakae mi ha naingwo tibmiiya, kira saiir wi kipi naingwo owou, kira wi saiir saiira daingwonanaekaigi. Kara bidi yinokninkin iikamim kariir nowimwarkaiyuwin, sima bi niksisaekim. Niingaka. <sup>15</sup> Mi iya kira yinisim sapisapa niki owin ti siyu iirin mi kira Adi Komii siir yaiya Yokwo Komii nwowa ha wakaekin. Mi kiriirin ninokninkin miyik saeyar sibgu ninokninkin haiginiugin, siyuun Jisis Kraiis siirim naingwo tibmiiyin mi kira naingwo tibmii kani mi kiriirin wi siya nwoki nanmaiwarkainam. <sup>16</sup> Adi Komii sikisiyar boinkikin ti yai whiekakim Yokwo Komii

saiir nwokaiyim iikam imiir nowomwarkaiyiuwam mi iikam imiir niisiimauuwam simiir dimin biyie imiir mi simiir sibgu grabaiginiuam mi siyiu miyyik simiir niisiimauuwam sima tiram. <sup>17</sup> Mi Adi Komii krimiir Wanin siir iikamim ti siyiu iir wakaeyokna api mi sima wi miipai miipai kibi kasa mirii rani, Adi Komii siiram. Iriig.

#### 4

<sup>1</sup> Mi Krais Jisis siya wi iikamim naokaowim mi iikamim irkak piu nwo ikim, siya wi simiir nauni hidni. Mi kira wi kipi naingwo owou mimin, wi hiriyar daingwokwo kripkai. Krais siya wi sipi swoki iti digworaekwo whiekakim simiir kigirkakam. Mi Adi Komii krimiir Wanin siir whwonkam ida mi Krais Jisis siya kara kiriirin igao yai asi boinkikin. <sup>2</sup> Kira inokinokin Adi Komii siir yai aiir ti boinmimauuwam. Mi kira ii miyyik arar kipi boinmimauu mi ii biyieya kira kipi nwokiyiu. Niingaka. Iikam whiekakim kiriir yai aiir wakaeyim, simiirin kira ti boinmininkin haiginiu. Mi simiirin kira hirii hiriiya ti whinkinsiis haiginiu. Mi kira simiir inkam miuunan dwo mi kira simiir nowimwarkaiyiuwim kipi piyao. <sup>3</sup> Iki ii nhirim mhoiia nimbiniyamanim mi iikam nhirim sima wi ta yaimwokiayaimwowa saiir wakaeyim wi pi boriisopi. Mi sima wi yaeya inkamam hansiri, simiir nowimwarkaiyiuwam. Mi diminin sima naingwowyin mi sima wi simiirarar dowomwarkaiyu. <sup>4</sup> Mi simiir wiinim wi pi kibnami, ta yaimwowa saiir wakaesiyin. Mi simiir wiinim wi amara ti yidiwi wan-wiyaemi niwiiyim simiiram nwowi, simiir wakaeyam. <sup>5</sup> Mi kirarin inokinokin sibgu daingwokwokai diminpai diminpaiyim nimbiamim simiirin. Mi kira nhwo kipi whwonkai, hik kimpipisu haisiyin. Niingaka. Kira mii kibiya sairara sibgu ap mirii, yai napboinmamauuwiya

iikam whiekakim simiir. Mi kira saairin haimiyyara kipi kimakiuna. Niingaka. Iriig.

<sup>6</sup> Kara kiriirin minsi boinkikin, kariir iya ini kingiin nwowa kara wi kapi naowi. Kariir miya ini kingiin nwowa, wi sapi digi. Mi kariirin sima nisomaowi mi kariir nhiya wi nua naokiinainami. <sup>7</sup> Mi kara mi prasae bi miriigin Adi Komii siir mi aiirin. Mi tariinanin kara ninkikin iwitni haniin ikin dig bidi ywokiya. Mi kara kariir naingwo tibiimiya sair bi kinsugin. Niingaka. <sup>8</sup> Kara ini kingiin nwowin wi kapi naowi. Mi miya kara miriyya sair digworaekwo miyik miyikin, yim ini ninomor kou hir hangiriyu haiginkwokinim. Mi sima kariirara rani. Niingaka. Ti digworaekwowim Biyan Inkam Komii siya haiginkwokinim, yipiki iikamim siir siyu iir napim mi wi simiir hauwi. Mi iikam whiekakim Jisis siirim naingwokwo nanaeyim mi iya siya nitana sairim mi naingwokwowim simiirin warargin. Mi wi Biyan Inkam Komii siyar sibgu ninomokninkin hid haiginiuwi krimiirin. Iriig.

*Ta yai haimiyya ya kiriaramarar winkika*

<sup>9</sup> Kara ha naingwowi, kira ha witsisau kariir nini kignakiyamin. <sup>10</sup> Ta yaiya kara boinkiya minsika! Dimas siya kariir bidi haiburgigin. Siya ti nuan siyupai siyupaiyim simiiram naingwokin. Mi siya om Tesalon-aika hiriir asi namkin. Mi Kresensin yo nu Galesia hiriir yam. Mi Taitasin yo ini nu Dalmesia hiriir yamin. <sup>11</sup> Mi kanaka tirin Luk sasa nwowi. Mi iya kira kariir nini kigniyam niti. Mi kira Mak siirin wi warar winkin boinani. Minsika! Kariirin mi siya nwoki whin mirii. <sup>12</sup> Mi Tikikasin yo kara bidi yikropkiya om Efesasa hiriir. <sup>13</sup> Mi iya kira kariiram niti mi kira kariir yuusa kara kinirkingika om Troas Kapasni omaka sae, saairin wi warar

winkin hainani. Mi yokwowa iriipi hiriinan. Mi yokwo mimirim kara win haigingikim simiirin wi kipi naingwo owougik, yim wi warar winkin hainani.

<sup>14</sup> Mi Alesanda inkamin bras nonkwowiyin, siya kariirin siyiu miyikan bi tirkin. Mi ti hiriinan siyiuin siya tirin kariir. Mi mhoiya wi Biyan Inkam Komii yamdi siya swoki tiri siirin. <sup>15</sup> Mi ni kira iriipi hiriinan, ti inkamin siirsi timi idid. Siya minam tiri, ta yaiya krma boinmamauuwiya saiir nikwowaisiyyim.

<sup>16</sup> Mi biiki biya kara nini okwo boiniuwa, inkam komii yai hidiyin om komii Rom hiranin saika mi ta iya inkam nwrkin kariir bi swoki whinkinsiis srankin. Niingaka. Sima kanaka kingiin bi namasugim mi kara pi boriisopi Adi Komii siya hik yamdi simiir hauuwim ta sima kariir haiburgiga. <sup>17</sup> Biyan Inkam Komiiyin siya ini kinakar nwowin mi kiriirin kirie siyar hauu haiginiugin. Mi kara ta Yai Win Kibiya saiir boinmimauusiyin bi nididgin, iikamim Juda iikam tani simiirin. Mi Adi Komii siya kariirin omomin sau kanaka ninitiyin, wi simiir in hiranki asi nanmaiwarkainaei. <sup>18</sup> Mi kariirin Biyan Inkam Komii wi siya nanmaiwarkainaki iikam whiekakim kariir nonkwobumbuninkinam tirim simiir inankin. Mi ta iya siya digworaekwo whiekakim simiir kigirkaki mi kariirin wi siya nanmaiwarkainanami siir oma hiriir. Mi krma inokininokin wi Adi Komii siir inig iir boin mairgimairgae. Mi ta yaiya, yai kaimwoka.

Nikopkaigiyen yai aeya

<sup>19</sup> Mi kira Prisila mi Akwila mi Onesiforas siir yinwig ima, wi simiir tini boinu, siya yaigu kimiiram hauugikin. <sup>20</sup> Mi Irastasin yio ini om Korin hir nwowin. Mi Trofimas siirin kara om Mailitas hirin dimusi bi haiburgigin, siya makakin. <sup>21</sup> Mi kira wi kipi nwoki nwo, wa ha witsau. Mi

ni wi iya pankin nwowiya sae pi nitisi. Mi Yubyulas mi Pyudens mi Lainas mi Klodia mi nomiiyau nhir ikim, yim sima iriipi hiriinan, yaigiu kiriir mi hauugiyam mi tiri.

<sup>22</sup> Mi kara ha naingwowi, Biiyan Inkam Komii siya wi kiriir paekwosimin saikar ninkin owi. Mi siir naingwobumbuwa iriipi hiriinan, wi kimaka mi inkin owi. Iriig. Kariir yaiya ini dig ywokiya.

## Yai Win Kibiya

The New Testament in the Sepik Iwam Language of Papua New  
Guinea

Nupela Testamen long tokples Sepik Iwam long Niugini

copyright © 1989 Wycliffe Bible Translators, Inc.

Language: Sepik Iwam (Iwam, Sepik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 12 Jun 2019 from source files dated 1 Oct 2018

5350dc83-93b2-5000-9c98-dcdb728ba84f